

貞松堂藏西陸祕籍叢殘

仙傳北樁空无之道豈有限實



慾處難靈妃競曰道由不進沒丹无陷

使不顧其身千万之徒莫能超塵万中

為多焉冲然能達真性即輪廿八天

諸漏无目超越三累逍遙神仙從一至十金

不真身常道自在无德海源潤灑衆生一

思法橋廣度常樂之津能緣此道

在世真人

多藏注泄多歇神霄飛馳不安養體自豪

豕肥竹莫知所由虫變園中食无厭期

身不恭受之無疑不貴所生聞之返目千

言万語風過木耳六畜同心不受政言往返三
惡十苦八難斯罪明然苦不可言見之悲第
苦因緣改前遂本超越就今逍遙大罪

王京紫臣

万法風性水以道真切由匠興道起質成守
知子存本息未是以真人循身以養其神
心以却其精切无不可德无不成其德既
著真亦難奪故道人宣於不言之教道於不
悟之緣成於不進之或乾於不見之則是以加
不言處上不厭晝夜懃苦憂道不行
劫將出吾有何憂

琢之以玉磨之以石琢而為器發之為質載
以蒼巧之功志於終行之業良匠既周功莫
就政文既宣奉莫不真是以道人審匠以
備身察己以養神何以故道術千方政真匠
遭如木樵雞鹿野母不釣隨巖投海初豈
求大道乎奉非其師致斯外中是故道九
有六貳亂雜行滋繁競興各言我政乃至
劫破隨運而遷方知大道之德櫟淡泊之聖
是故道有方術藥為人此之道者与彼
其真人循於不言之教養於神民之炁外
道備於有言之感養於不損之形是故有

凡仍淪任性自臣蕩溢不親居貪跳波
淪成矣以財臨道自遺其各珎德莫猶設
義不旬切寄莫所是以君子不耻下問不自尊
卑謙遜讓以敬道德以成君子之美而况
乎上清之道乎卑讓者道之行下問者德
之尚是以尊道貴德以成道德不耻不愧以
道人之行也

投石其陳无憾以美投穢其甘不味是



水流溪谷歸之於海百狩之類會宗於驎飛
鳥之名終成於鳳將至其主咸命歸仰故
知人歸於主主歸於天天歸於道若不信之
觀一可以万何以故知之狩无驎則狩暴死若
鳥无鳳則鳥不飛若水无海則水无所歸
心若人无主則人乱云若主无天則主无所恃若
天无道則天无可心是以道者有无為之義
母也若無能知万物不自生不自化可知溟九
之所從也万物因四時以運遷謝而況於人
于是故人順於主水順於海主順於海主順於
天天順於道道順自然者即无所順也故人

違主則殘主違天則勃天違道則裂是
以道者万有之祖父母也故不可違不可違以
此將欲取天下非道不成將欲興太平非道
不崇故道者王治之本化安之始非道而治
者无道之甚所以者何道置天曹繫斷百
官四時八節廿四炁周天三百六十五度四天
主之天帝處於頂上渥九宮中繫斷四天卅
二天輔之崐崙有八十一級級有八十一宮宮有
一主亦各八十一天其中左右中宮三部有宮主
曹有一百廿各有所屬崐崙有九原亦有宮
主亦名九天崐崙有九野之場亦有宮主亦

名九士一切曹府各有典職下方世界國主
帝王法天道而治故立天子法帝天置三
公法三光設百僚正衆星安九卿法九原布
九州法九士廿四大夫法廿四炁八十一元士法
八十一天一百廿郡法一百廿內宿三百六十五縣
三百六十五度百官曹府一法方乃興
霸王也若國王不以道治天下故為无道
无道者失道也人失道則終魚失水則死故何
失水以上不應僣過不流是故失水國王何
故失道以不應福祚將終是故失道是以
得道者昌失道者亡此之謂

知道者上不知道者命知好者進不知好者
儼不識不知迷盲若趣无好无醜犬豕視珍
故道人先知於道乃可進真先別於長乃
可取長成功若不居處名若不怙恒退身
而遜功去名而捨譽寄於无寄之鄉積於
无著之方聚之如崐崙成之如海王此功又
功可用久名可居而名不去積之著之以致於
无為也

方臺百丈累下而成万里之涉跋步而進源
海弥漫帆櫓而到紋綺之繒積絲而成故
大闢之性因凡而獲但有至成何憂不積而

登也昔者玄老起一跡之蹤闡道洪風不思
之會乾坤勢終視如嬰咳初踴百却之運
疾風之扇塵也成之堂堂未成芒芒行之
不憊立感而斲是以道沖而用始終可功至
清不濁立應自然方之於道未足遠

人知其壽道則可寶守常不知終不知死
何以故人正知憂生不知憂死假有百年之壽
而无一懼所以者何人之所貴貴於日月之明不
知夜消其半從一年以上十五以下小兒童蒙未
識好醜徒有受生之名而无受生之用復逝
而去之後八十以上而百年以下老耄昏季

此才恩愛視於有生之名實无有生之用不任之

老子玄通經亦曰天應經

老子曰夫道示靈布化生成萬物精係於天
質契於地人動作吉凶莫不應之於天故星
象明耀彰於禍福所以聖人設教令勤悔
謝奉行肅誠建諸善功慈仁忠孝敬賢任
能濟惠貧弱拯救危苦受養孤寡撫育病
痛憫念虫魚不傷草木放生贖命開悟愚
迷慈心萬物普度衆生則諸天靈司列言
太上延筭益年名書上清天應嘉慶富
貴壽樂子孫賢孝智惠聰明門戶興盛
胤嗣不絕若毒害傷割譏諛倭妒姐
良善矯黠欺訥貪取無戢盡道祝咀殺

伐衆生不慈不孝不義不仁耶淫放縱綺
語妄言嘖嘖自是傲誕師尊啖食酒肉
譖毀賢明憎嫌老病欺犯貧窮不念善
道唯惡為先地官列刺上聞諸天削除生
錄北帝舉名天應凶禍衆惡相加刀兵水
火虫獸虎狼毒螫傷害形骸繫閉疾病
灾厄凶殃輒軻貧窮孤寡万事无亶世人
凡愚不信罪福唯求衣食貪聚財寶以
育子孫終日造罪未嘗從善常謂此身
千年不死豈知賊湍命窮神逝形亡魂被
收錄送於酆都晝夜考掠辛苦備經動
則万劫无有出期吾念愚迷說法度人

老子曰萬物云云謂之行尸飢能知食寒
知寢衣不識宿命不識因緣豈知罪福善惡
吉凶故諸天象敏降生聖人興之作王建國
設官擇賢選良勸化人民養育凡愚使得
安全非欲自貴馳騁淫奔廣造宮苑器服
奢華賦役勞苦損害萬人邀遊田獵殺伐无
度峻其威刑明其賞罰動乖大道不順人心
百姓怨酷上聞於天象靈果怒諸災競生
水旱虫霜溫行疫疠萬癘交集身滅國亡
古來暗主虐君受其刑戮亦何量哉
老子曰人主執生教之命群生父母行教之首

善惡者凶皆奉於君君若行善則萬人亦善
君若行惡則萬人亦惡君若清淨萬人忠正
君若貪濁萬人淫欲舉動運為皆本於君
故人生者常當清淨无為少私寡欲則常
守其國

老子曰天下鳥獸虫魚万物草木一切有形
在於土地者悉是國主所化若人君行善則
万物亦善天應以善國中之物莫不皆善故
太平之世君聖臣賢父慈子孝兄友弟悌
夫順妻貞人民淳朴草木滋茂男女聰明
風雨調節日月洞清星辰合度四氣平和百
榮豐稔兆庶歡娛毒虫惡草不生於郊祥

禽靈獸神芝玉英
雲吉瑞天應休禎若
无道世君暗臣愚
諂倭譏害滿於朝廷
小人道長君子道窮
父子不穆兄弟異居
夫妻異心人民殍黥
男女醜陋風雨不調
草木枯痺百穀不成
星宿失度日月昏昏
百姓飢寒人民死亡
毒草惡虫隨處聚生
泉源枯塞山岳崩摧
天裂地坼雨而血而
灰機槍枉天旬始縱
橫神吟鬼哭萬厲交
并水旱虫霜兵寢死
亡万人怨訴天應不
祥

老子曰君為其首臣為手足人為其身君臣百姓同一形也有一不和則身不安治國養

人亦如治身百節調適形則長存明君治國
先存於人後存其身所以長久天下太平
老子曰人之所喜富貴壽樂也所以喜之欲
以資身而求之過度遂至顛危不亦愚乎
夫飲食不過滿腹衣服不過適形車馬不過
容體宮宅不過藏身而周身之外並為禍患
所以明君薄其飲食廉其衣服儉其車馬
卑其宮宅省其遊娛止其田獵子孫昌熾百
姓安樂而人愛之過於父母及至庸君暗主
窮天下之味以供其口殫天下之帛以給其
身飾車馬以充閑廣宮宅以自居百姓勞苦
怨訴於天天應不祥身死國殘子孫絕滅痛